



Na osnovu člana 64. stav (1) tačka b), člana 70., a u vezi člana 32. stav (6) Zakona o javnim nabavkama („Službeni glasnik Bosne i Hercegovine" broj 39/14, 59/22 i 50/24) i člana 18. Poslovnika Centralne izborne komisije Bosne i Hercegovine Hercegovine („Službeni glasnik BiH", br. 32/23), na preporuku Komisije za javne nabavke od 24.06.2026. godine, Centralna izborna komisija Bosne i Hercegovine je na 39. sjednici održanoj 01.07.2026. godine, d o n i j e l a

O D L U K U **o izboru najpovoljnijeg ponuđača**

(1) Okvirni sporazum za nabavku zakupa kompjuterske i elektornske opreme za potrebe provođenja Opštih izbora 2026. godine – zakup računara – **Lot 1**, dodjeljuje se ponuđaču **"BNC" d.o.o. Sarajevo, Merhemića Trg 2, 71000 Sarajevo.**

(2) Ponuda ponuđača iz stava (1) ove odluke zadovoljava sve uslove utvrđene u predmetnom konkurentskom zahtjevu.

(3) Ponuđaču iz stava (1) ove odluke, će biti dodjeljen okvirni sporazum na ukupnu vrijednost u iznosu od **19.221,15 KM bez PDV, odnosno 22.488,75 KM sa PDV**, na period do 12 (dvanaest) mjeseci.

(4) Okvirni sporazum će se dodijeliti u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.

(5) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki, broj obavještenja: 794-7-2-150-3-8/26 od 08.06.2026. godine. U predviđenom roku za prijem ponuda, zaprimljene su 4 (četiri) ponude ponuđača i to: A1 Team d.o.o. Sarajevo, "BNC" d.o.o. Sarajevo, "BIRO.KIP" d.o.o. Banja Luka i "MINT ICT" Tanja Ivanović s.p. Banja Luka

Komisija za nabavku imenovana Rješenjem broj: 07-2-16-3-891-2/26 od 03.06.2026. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-891-12/26 od 24.06.2026. godine je u prilogu ove odluke) i utvrdila da je ponuda ponuđača **"BNC" d.o.o. Sarajevo** prihvatljiva, budući da je u skladu sa zahtjevima iz predmetne tenderske dokumentacije.

Komisija je uputila preporuku Centralnoj izbornoj komisiji BiH za izbor ponuđača i dodjelu okvirnog sporazuma na iznos od 19.221,15 KM bez PDV-a, odnosno 22.488,75 KM sa PDV-om.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-891-14/26
Sarajevo, 01.07.2026. godine

Dostavljeno:

1. Ponuđačima
2. Odsjeku za materijalno finansijske poslove
3. web stranicu CIK BiH
3. a/a



Predsjednik

Kalaba
Ivan Kalaba